



Bosna i Hercegovina
Federacija Bosne i Hercegovine
HERCEGOVAČKO-NERETVANSKA ŽUPANIJA-KANTON
GRAD ČAPLJINA
GRADSKO VIJEĆE

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 31-10-2025			
Org. jed.	Broj	Priloga	Vrijednost
05/1	-02-	549	125

Broj: 01-04-9500/25-2

Čapljina, 30.10.2025.godine

Bosna i Hercegovina
Federacija Bosne i Hercegovine
Parlament Federacije
Predstavnički / Zastupnički dom

n/r Predsjedavajući

Predmet: Odgovor na Zastupničko pitanje broj: 05/1-02-549/25 od 03.10.2025. godine.

Poštovani gospodine Kajan,

na Vaš upit, odnosno zastupničko pitanje koje ste postavili meni kao predsjedavajućem Gradskog vijeća Čapljina koje glasi:

“ Kada će Grad Čapljina provesti presudu Ustavnog suda F BiH iz 1998.godine o neustavnosti obilježja Čapljine – grba, zastave, pečata kao i Dana Čapljine?”

moгу Vam u svoje lično ime i kao osoba koja trenutno obavlja dužnost predsjedavajućeg Gradskog vijeća Čapljine odgovoriti sljedeće:

Potpuna provedba presude Ustavnog suda F BiH iz 1998.godine o neustavnosti obilježja Čapljine – grba, zastave, pečata i Dana Čapljine još nije provedena jer nažalost ne postoji volja većina u Gradskom vijeću Čapljina da se to pitanje konačno riješi. Kada će se to desiti odnosno kada će prevladati stav u Gradskom vijeću da se pristupi potpunoj provedbi presude ne mogu tačno prognozirati, ali se nadam da će se to desiti s obzirom na činjenicu da je provedba presuda Ustavnog suda obaveza što je svojim dopisom potvrdio i Ustavni sud Federacije BiH.

Ovom prilikom, a vezano za Vaš upit i obrazloženje koje ste napisali želim Vas upoznati i sa sljedećim:

Koliko mi je poznato vijećnici bošnjačke nacionalnosti, pored toga što nikada nisu prisustvovali svečanim sjednicama Gradskog vijeća Čapljina u povodu Dana grada Čapljine, potencirali su pitanje potpune provedbe presude Ustavnog suda Federacije BiH, ali bez rezultata. Nakon što je počelo postavljanje pločica sa kućnim brojem na kojem se pojavio i neustavni grb vijećnici u prethodnom sazivu Gradskog vijeća, među koji sam bio i ja, su na 8. (osmoj) sjednici Gradskog vijeća uputili inicijativu za provedbu presude Ustavnog suda F BiH i inicijativu da se sa pločica kućnog broja ukloni neustavni grb i nažalost dobili negativan odgovor.

Pored navedenog, vijećnici su se obraćali i Ustavnom sudu Federacije BiH te dobili odgovor 11.3.2024.godine u kojem se između ostalog navodi da nisu upoznati sa tim da li je presuda provedena i da li se osporena obilježja koriste te upozorili na činjenicu da su svi organi dužni da postupaju po presudama Ustavnog suda, da je neizvršenje istih krivično djelo, te da je premijer Federacije BiH dužan da osigura izvršenje presuda sudova Federacije BiH.

Građanska inicijativa za potpisivanjem peticije zbog postavljanja neustavnog grba na pločice sa kućnim brojem, rezultirala je time da je peticija sa oko 1500 potpisnika upućena u julu mjesecu 2022.godine na više adrese između ostalog i gradonačelniku Čapljine i Uredu OHR-a odnosno Visokog predstavnika, ali bez konkretnih rezultata.

Također, vijećnici među kojima sam bio i ja, su se krajem 2023.godine obratili pismeno OHR-u odnosno Visokom predstavniku u kojem su naveli mnoge probleme od neizbora predsjedavajućeg Gradskog vijeća, zastupljenosti Bošnjaka u organima Gradske uprave i Javnim preduzećima i ustanovama pa do neustavnih obilježja u Gradu Čapljina, ali do danas i sa ove instance bez značajnijih rezultata. Jedina promjena se dogodila nakon izbora 2024.godine gdje je izabran predsjedavajući Gradskog vijeća, ali isti i dalje nema profesionalni status.

Prije nekoliko dana, tačnije 1.10.2025.godine održana je svečana sjednica Gradskog vijeća Čapljina koju je sazvao dopredsjedavajući Gradskog vijeća, dok je jedan od vijećnika pokrenuo inicijativu za smjenu predsjedavajućeg Gradskog vijeća Čapljina zbog odbijanja da sazove svečanu sjednicu.

Iz svega navedenog smatram da Vam je jasno da još ne postoji politička volja u Gradskom vijeću Čapljina za provođenje presude Ustavnog suda.

Ja kao predsjedavajući Gradskog vijeća sigurno ću u skladu sa zakonskom regulativom i poslovníkom Gradskog vijeća Čapljina nastojati da se ovo pitanje konačno riješi, te se nadam da će do toga ipak i doći jer je i nedavno usvojenom reformskom agendom također predviđena provedba svih presuda Ustavnog suda.

Kao što sam i na početku istakao pošto je pitanje upućeno lično meni kao trenutno predsjedavajućem Gradskog vijeća, ovaj odgovor odražava moj stav i mišljenje a ne zvanični stav Gradskog vijeća.

S poštovanjem,
Dženis Veledar



[Handwritten signature]

Dostaviti:

- Naslovu,
- U predmet.